

SECTION

4

ΜΕΛΑ ΜΟΟ ΒΕΔΥΑ ΖΟ ΒΕΚΕΛΕ ΝΖΕΜΑ ΑΝΕΞ ΝΕ ΛΑ



ANƐƐ NEE YE GYIMALILƐ

Mela mƆƆ bɛdua zo bɛkɛlɛ Nzema anɛɛ ne la

MUKENYE

Ngyɛnu ɛhye ka mela mƆƆ bɛdua zo bɛkɛlɛ Nzema anɛɛ ne la anwo edwɛkɛ. Yɛbawowɔ adwenle wɔ mela mƆƆ bɛdua zo bɛfa duma, yɛkpɔkɛ, dumagya nee dumangilenu bedi gyima la anwo. Yɛbali moa yɛawowɔ adwenle wɔ mela mƆƆ fale duma gyimalile nwo la anwo, akee yɛbanlea dumagya, dumangilenu, yɛkpɔkɛ nee yɛkpɔkɛngilenu. Ɛhye baboa amaa wɔanwu mela ne nee kɛ bɛsi bɛfa duma, dumagya, dumangilenu, yɛkpɔkɛ nee yɛkpɔkɛngilenu bedi gyima wɔ Nzema anɛɛ ne anu la. Ɛbahola wɔava mela ne mƆƆ wɔzukoa la wɔatoto anɛɛ le kɛ Nrelenza ɛdɛɛ ne anwo.

Ɛzukoalɛdɛɛ ngane ɛhye kaɔ awielɛ la ɛbahola;

1. Wɔalua mela fɔnwo ne azo wɔava duma nee dumagya wɔali gyima wɔ ɛdɛndɛmunli ɛhɛlɛ nu
2. Wɔalua mela fɔnwo ne azo wɔava dumangilenu wɔali gyima wɔ ɛdɛndɛmunli ɛhɛlɛ nu
3. Wɔalua mela fɔnwo ne azo wɔava yɛkpɔkɛ nee yɛkpɔkɛngilenu wɔali gyima wɔ ɛdɛndɛmunli ɛhɛlɛ nu

Adwenle Titili

- Duma di yevo, nyiavo, dievo yɛɛ ngilenu gyima, eza ɔle ɛdɛndɛsinli nu edwɛkɛkpɔkɛ titili.
- Dumagya noko di yevo, nyiavo anzɛɛ dievo gyima wɔ ɛdɛndɛmunli nu.
- Dumangilenu kile duma anu. Meke dɔnwo ne ala bɛta bɛtoa duma ne mƆƆ bɛkile nu la ndinli zo
- Yɛkpɔkɛ kile nyɛlɛɛ anzɛɛ gyinlabelɛ. Saa yɛkɛlɛ anɛɛ ne na duma nee yɛkpɔkɛ doa zo a, yɛngɛlɛ bɛ yɛmbɔ nu. Emomu, saa yɛkpɔkɛ doa dumagya a yɛkɛlɛ bɛ yɛbɔ nu.

- Yĕkpŏkĕngilenu kile yĕkpŏkĕ anu, eza ŏkola ŏkile yĕkpŏkĕngilenu gyene bie anu.

NUNINYĒNE

Duma

Yĕli moa yĕwowŏ adwenle wŏ duma anwo. Yĕbobŏle duma ndonwo bie mŏ na yĕhilele duma ekpunli ngakyile mŏŏ ndonwo ne ko biala vea ŏ bo la.

Ndwenlenwo edwĕkĕmiza: Ēbahola wŏahakye duma ekpunli ngakyile ne mŏ ŏ ? Kĕlĕhĕlĕ bĕ.

Duma kile edwĕkĕkpŏkĕ mŏŏ yĕfa yĕfĕlĕ menli, nleka, nane nane nee ninyĕne la. Mĕkĕ dŏŏnwo ne ala saa yeanyĕ fee a ĕdendĕmunli da duma ko ali. Duma nee dĕholekilevole ‘ne’ anzĕĕ ‘bie’ ta tu

Dumagya

Dumagya le edwĕkĕkpŏkĕ mŏŏ yĕkola yĕfa yĕsie duma agyake anu a. Bie a le ĕhye mŏ; ye, ŏ, ĕ, wŏ, mĕ, bĕ, yĕ nee mŏŏ ĕha la. Bĕkola bĕdi duma ĕdendĕsinli gyima.

Kakye ĕhye: Wŏ Gana anĕĕ ne mŏ dŏŏnwo anu dumagya ĕngile mrenyia anzĕĕ mraale. Asoo ĕhye le zŏ wŏ Nzema nu ŏ? Ē nee ĕ gŏnwo ĕwowŏ adwenle wŏ nwo na bĕva bĕ nyelebenloa ne bĕmaa bĕ kilehilevole ne.

Wŏ ĕzukoalĕdĕĕ ĕhye anu, yĕwowŏ adwenle wŏ mĕla mŏŏ fale duma nee dumagya gyimalilĕ la anwo.

Gyima

Nea vidio ne na ĕ nee ĕ gŏnwo mŏ ĕzuzu nwole adwenle.

[function of nouns YouTube video - \(https://www.youtube.com/watch?v=rURutv7N_ns\)](https://www.youtube.com/watch?v=rURutv7N_ns)

Kĕkala, fa mŏŏ wŏnwu ye wŏ vidio ne anu la toto ĕhye anwo:

Mela/Gyima

Duma mōo di yēvo gyima la

1. Mela mōo yēdua zo yēfa duma yēdi gyima wō ēdendēmunli nu la le ngakyile wō Gana anēe ko biala anu. Wō Nzema nu, duma di gyima kē:

- a. Yēvo wō ēdendēmunli nu

Duma mōo wō Gana anēe ne mō anu la ta di yēvo gyima anzēē gyinla yēvo gyinlabelē. Bēle edwēkēmgbōkē mōo bō ēdendēmunli bo wō anēe mōo dua Yēvo-Yēkpōkē-Nyiavo anzēē Dievo adenle zo wō ēdendēmunli ehēlēle nu la.

Ndonwo:

- i. **Akosu** hōle asōne.
- ii. **Mbuluku** awolē yē se.
- iii. **Nrēlēbē** le ēbelabōlē nu kunimililē sanvē.

Wō anwuma ndonwo ne mō anu, yēnwu kē aluma **Akosu**, **mbuluku** nee **nrēlēbē** gyi yēvo gyinlabelē.

- b. Nyiavo anzēē Dievo wō ēdendēmunli nu

Duma noko kola di nyiavo anzēē dievo gyima wō ēdendēmunli nu.

Ndonwo:

- i. Yēdōlē **buluku** yēmaanle Ama.(Nyiavo)
- ii. Mēmaanle **Pita** pēne.(Dievo)
- iii. Kukua nwanle Hakim **ahyēlēdēē**.(Nyiavo)
- iv. Akuba dōlē ahyēlēdēē maanle **Hakim**.(Dievo)

- c. Duma noko kola di ngilenu gyima. Ehye le duma mōo kile duma gyene anu la. Saa aluma nwiō doa zo a, mōo li moa la ta di dumangilenu gyima yē ngilenu maa mōo doa ye la.

Ndonwo:

- i. **Wolōba** kyēnze ne wō Adu ēkē.
- ii. Bēdo **sukulu** alenkē ne anu.
- iii. Bēdōlē **nwoma** baage.

- d. Duma ɛdendɛsinli edwɛkɛkpɔkɛ titili: duma noko kola yɛ edwɛkɛkpɔkɛ titili ne mŏŏ wŏ duma ɛdendɛsinli nu la. Ndonwo:
- i. **Pɛne** awolɛ yɛ se.
 - ii. **Sua** fofolɛ ne anu le wuluwulu.
 - iii. Yɛwŏ **suanu**.
 - iv. **Sua** kpole bie bule ɛnɛ.

Kakye ɛhye: Mɛla mŏŏ wŏ kɛ bɛsi bɛfa dumagya bɛdi gyima wŏ ɛdendɛmunli nu wŏ Gana anɛɛ anɛɛ nu la le ngakyile.

2. Wŏ Nzema nu, dumagya di gyima kɛ:

- a. Yɛvo wŏ ɛdendɛmunli nu.

Ndonwo:

- i. **Mengolɛ** sukulu.
 - ii. **Yɛnea** sini kenle ko biala.
 - iii. **Bɛsele** mgbane mgbane.
- b. Dumagya noko di nyiavo anzɛɛ dievo gyima wŏ ɛdendɛmunli nu. Nea ndonwo ne mŏ mŏŏ wŏ aze ɛke la:
- i. Koasi nwunle yɛ. (Nyiavo)
 - ii. Aama vale pɛne maanle yɛ. (Dievo)
 - iii. Ama maanle yɛ pɛne.(Dievo)
 - iv. Kilehilevole ne maanle yɛ suanu gyima.(Nyiavo)
- c. Olɛ mɛla wŏ anɛɛ ne anu kɛ saa yɛkpɔkɛ bie doa dumagya bie ndinli zo a yɛkɛlɛ yɛbŏ nu.

Gyima

1. Kile duma anu na maa nwolɛ ndonwo keyɛ bulu. Fa wŏ nyelebenloa ne to sukoavoma ne kŏsŏti anyunlu.
2. Wŏ bɛ ekpunli nwiŏ nwiŏ ne mŏ anu, bɛlɛhɛlɛ gyima mŏŏ duma di la anu nwiŏ. Bɛ nee ekpunli fofolɛ ɛbŏ nu na bɛwowŏ nwolɛ adwenle.
3. Kile dumagya anu na maa nwolɛ ndonwo keyɛ bulu. Fa wŏ nyelebenloa ne to sukoavoma ne kŏsŏti anyunlu.
 - a. Wŏ bɛ ekpunli ekpunli nu bɛgenga adawu ne mŏŏ wŏ aze ɛke la na bɛhile aluma nee dumagya mŏŏ wŏ nu la.

- b. BĒva aluma ne mŌ mŌŌ bĒhile la bĒhĒle ɛdendĒmunli mŌnwo nnu. BĒziezie bĒ nwo kĒ bĒ nee sukoavoma mŌŌ ɛha la bawowŌ adwenle wŌ bĒ nyelebenloa ne mŌ anwo.
- c. BĒva dumagya ne mŌ mŌŌ bĒhile la bĒhĒle ɛdendĒmunli nsa. BĒziezie bĒ nwo kĒ bĒ nee sukoavoma mŌŌ ɛha la bawowŌ adwenle wŌ bĒ nyelebenloa ne mŌ anwo.

Ndwea

Ndwea le nyĒmoa mŌŌ awie biala ze bĒ kĒ bele abebe wŌ aleɛabo ɛleka biala a. BĒgua ye ngakyile dŌŌnwo mŌŌ bĒ subane, kĒ besĒi bede yĒɛ bĒ nwo sŌhovolĒ noko le ngakyile a. Bele nyĒmoa mŌŌ le agyake nna mŌŌ bewo a bĒmaa bĒ mra nyĒfonle na bevi bedi mŌŌ wŌ kpŌkemile nu la abusua nu a. MŌŌ alimoama ne mŌ ziele bedi kĒ bĒfa bĒali bŌle la, bĒzukoale sonla benwunle ye na bĒhwenle bĒbikyele menli. BĒbŌ mŌdenle kpale wŌ menli nganeɛdele le kĒ ɛhulole, basabasayele nee ɛzulole nwo na beda nwolĒ subane mŌŌ feta la ali bĒkile menli. Ndwea le debie nvoanledele subane titili bie. Eza bĒ nzo ye gyima kpale na bĒkola bĒte alera dodo biala. MŌŌ maa ndwea anwo ba nvasŌɛ kpale la a le kĒ, ɛbahola wŌanyene ye wŌamaa yeali gyima ngakyile. Ndwea mŌŌ sonle la kola boa anyeziliravolĒma dahuu, yĒɛ ndwea mŌŌ te gyinlabele mŌŌ sonla wŌ nu la nganeɛ la kyekye sonla rĒle. Eza bĒfa bĒkpondĒ na bĒkile nvoanle mŌŌ anloa wŌ aze na milahyinli engola engile la. ŌwŌ nu kĒ ndwea di gyima ngelema wŌ ndenle dŌŌnwo azo boa menli, noko akee bĒ ngoane meke wŌ azele ye azo le sikale keye ɛvole 10-15. ɛye bole mŌŌ besonle wŌ ɛzonlenle nu a, benwu ndwea dŌŌnwo ne ala kĒ bele alŌvole mŌŌ boka mbusua nwo wŌ ewiade ɛleka biala a.

Gyima

1. Kile gyima mŌŌ edwĒkĒmgbŌke mŌŌ bĒpepe bĒ bo la di la. Fa wŌ nyelebenloa ne toto ɛ gŌnwo mŌ ɛdeɛ nwo.
 - a. Sukoavoma ne mŌŌ ze nwoma la dule adenle anoma.
 - b. Menwanle Eden ezukoa.
 - c. Kilehilevole ne hĒlele taboabile fofolĒ ne azo.
 - d. BĒhŌle Navologo.
 - e. Adenduvo ne dŌle kpanwo maanle ye.

MOBƆNU KPUYIA

1. Fa Ɛ ti anwo edwƐkƐmgbƆkƐ kilehile duma mƆƆ di ngilenu gyima la anu. Maa ndonwo nwiƆ na fa kile Ɛ gƆnwo
2. WƆ kilehilevolƐ ne bava adawu bie mƆƆ nvonlƐ wƆ nu la amaa wƆ. Kenga adawu ne na kilehile nuhua nvonlƐ ne mƆ.
3. WowƆ adwenle wƆ kƐ dumagya si di gyima kƐ nyiavo nee dievo la anwo. Fa toto aneƐ ngakyile mƆƆ Ɛbazukoa anzƐƐ Ɛze la anwo.
4. Maa ndonwo nnu mƆƆ kile kƐ duma ƐlƐdi ƐdendƐsinli nu edwƐkƐkpƆkƐ titili gyima la. Ɛ nee sukoavoma ne amuala ƐwowƆ nwole adwenle.
5. WƆ bƐ Ɛkpunli nwiƆ nwiƆ ne mƆ anu, bƐhƐlƐ ƐdendƐmunli bulu mƆƆ dumagya mƆƆ wƆ ko biala anu la ƐlƐdi yevo gyima la na bƐwowƆ adwenle bƐhile saa bƐhƐlƐ bƐ nee yeƐkpƆkƐ ne bƐbƆ nu a. Beva bƐtoto Gana aneƐ ngakyile ne mƆ anwo na bƐ nee sukoavoma ne mƆ amuala ƐwowƆ nwole adwenle.

MOBŌNU KPUYIA NE MŌ NYELEBĒNLOA

1. Duma mŏŏ di ngilenu gyima la a le duma mŏŏ kile duma fofolĒ anu la. Meke dŏŏnwo ne ala duma ne mŏŏ di ngilenu gyima la ba kolaa na duma titili ne ara. Ndonwo; **Sukulu** bane ne Էbu.
2. NyelebĒnloa ne gyi adawu ne mŏŏ kilehilevolĒ ne vale maanle wŏ la azo. Die nyelebĒnloa ne mŏŏ gyi adawu ne azo la fi wŏ kilehilevolĒ ne Էke. Fa Էhye toto wŏ deԷ ne anwo.
3. Gyinla mĒla mŏŏ kile ke dumagya si di ye gyima ke nyiavo anzԷԷ dievo laazo ye ŏ nloa.
4. Duma mŏŏ Էledi gyima ke Էdendesinli nu edwԷkekpŏke titili la.

Ndonwo:

- a. Menwunle **baka** tendenle ne.
 - b. BԷdŏne **kale** dԷba ne.
 - c. ԷyazonlԷnli ne dŏnenle **ndotolo** amole.
 - d. **Sua** dԷba Էnle debie kpale mŏŏ bԷԷnla nu a.
5. Wŏ Gana anԷԷ bie mŏ anu, saa dumagya Էledi yevo gyima a bԷkԷԷ ye nee yekpŏke mŏŏ doa ye la bԷbŏ nu yeԷ bie mŏ noko keԷ te nu. AnԷԷ anԷԷ le ke Nzema, Akan, Ewe keԷ bŏ nu yeԷ anԷԷ anԷԷ le ke Dagbani, Gurene nee mŏŏ Էha la keԷ te nu.

EXTENDED READING

1. Fromkin, V. & Rodman, R. & Hyams, N. (2007) Introduction to Language. (Eighth edition) Thomson Wadsworth.
2. Click on the link below for a video on noun functions in English grammar.
3. [Noun Functions in English Grammar with Examples](#)

NUNINYĒNE

Bezukoa dumangilenu anwo debie dēba. Wō bē ekpunli ne mō anu beva dumangilenu mōō bebava beaha ninyene ehye mō anwo edwēke la bēhēle edendemunli nsa.

- a. Wō sukulu suanu
- b. E gōnwo kpale
- c. Wō sukulu alie ne anwo
- d. Wō abusua

Dumangilenu a le edwēkēkpōke mōō kile duma nu anzēē ka edwēke fale subane mōō wō deē bie anwo la. Yēfa dumangilenu yēkile subane mōō awie anzēē deē bie le anzēē ōmaa yēfa deē bie subane yētoto fofole nwo.

Ndonwo:

- a. Kodwo kulo azua *dēba*.
- b. Kakula nrenyia ne le *tendenle edenra*.
- c. Aku ze *nwoma tēla* ō diema nrenyia ne.

Wō (a) anu, edwēkēkpōke *dēba* ēlekile sua hole mōō Kodwo kulo la. Wō (b) anu, edwēkēmgbōke *tendenle* nee edenra kile kē yesi yenwu kakula nrenyia ne enyele zo la. Noko wō (c) ne anu, edwēkēmgbōke *nwoma tēla* ēlēfa kesi Aku ze nwoma la atoto ō diema nrenyia ne edēē ne anwo.

Mēla/gyima mōō dumangilenu di la

Mēla mōō yēdua zo yēfa dumangilenu yēdi gyima wō edendemunli nu la le ngakyile wō Gana anēē ko biala anu.

Wō Nzema nu, dumangilenu di gyima kē:

1. Ōkile duma mōō wō edendemunli nu la anu. Ndonwo:
 - a. Ekpōnwo *bile* ne nriandi ndende tēla mgbōnwo ehendēē ne mō
 - b. Menwunle sua *bedevinli*.
2. Bēta bētoa duma ne mōō bēlēka nwolē edwēke la ndinli zo. Ndonwo:
 - a. Sua *bile* ne ēbu.
 - b. Raalē *belane* bie ēhō suanu.

Bɛzukoa dumangilenu ekpunli ngakyile ne mŏ dɛba. Ndonwo bie mŏ mŏŏ boka nwo la a wŏ aze ɛke la:

Fɔɔnwohilele dumangilenu anwo ndonwo wŏ ɛdendɛmunli nu

- a. Kale *ɛhye* le fofole.
- b. Sua *ɛhendee* le me ze ɛdee.

Ndotonwo dumangilenu anwo ndonwo wŏ ɛdendɛmunli nu

- a. Aleɛ ɛhye *bole enye* se fee.
- b. Wŏ ezukoa ne le *ekyi tela* me dee ne.

Dodohilele dumangilenu anwo ndonwo wŏ ɛdendɛmunli nu.

- a. Mendɔle awule *bie*.
- b. Mbuluku *dɔɔnwo* wŏ me ɛleka ne anu.

Subanehilele dumangilenu anwo ndonwo wŏ ɛdendɛmunli nu.

- a. Kale ne le *dɛba*.
- b. Aleɛ ne le *kelema*.

Gyima 1

1. Fa dumangilenu bulu ne mŏ mŏŏ gua ɔ bo ɛke la kele ɛdendɛmunli. Saa ɛbahola a bŏ mɔdenle kele ɛdendɛmunli mŏnwo anzɛɛ kpomgbondee.
 - a. nwanwane
 - b. koonwu
 - c. ɛya
 - d. tete
 - e. bedevinli
 - f. kpale
 - g. wienyi
 - h. kelema
 - i. dɛba
 - j. ɛsesebe

Akee bɛ nee bɛ gŏnwo mŏ ɛnlea bɛ ndonwo ne mŏ ngyehyɛlee ne. Duzu a ɛnwu ye a? Bɛziezie bɛ nwo ke bebava bɛado sukoavoma mŏŏ ɛha la amuala anyunlu.

Gyima 2

1. Maa dumangilenu anwo ndonwo bulu.
2. Fa dumangilenu ndonwo ne anu nnu kɛɛ ɛdɛdɛmunli ngakyile ɛhye mɔ.
 - a. ɛdɛdɛmunli sikale
 - b. ɛdɛdɛmunli mɔnwo
 - c. ɛdɛdɛmunli kpomgbondee
3. Dua ɛdɛdɛmunli ndonwo ne mɔ wɔhɛɛ la azo na wowɔ adwenle wɔ mɛla mɔ fale dumangilenu gyimalile nwo la anwo.

MOBONU KPUYIA

1. Kenga adawu ehye na kilehile dumangilenu moo wo nu la.

Menli dɔɔnwo ne ala akee anye elɛba be nwo zo wo ye nyeele moo elɛsekye ye nyambɔyia ne la. Ɔwo ke nyambɔyia anwobanebɔle ye debie titili moo gyi ye kɔsɔɔti ye nye zo a. Noko akee menli ekyi bie ala a le ke besi bebɔ nyambɔyia anwo bane kpale la adwenle ekyi a. Ye anyefuu subane ne mo a elɛko zo amaa ye nyambɔyia ne azɛkye kenle ko biala a. Ndonwo a le ninyene moo anwo engyia nee ewula mgbane mgbane eguale, wolɔba basabasa eguale nee moo bokeboka nwo la. Saa yeanzi subane etane ehye mo adenle a, meke bie elɛba moo ɔwo ke ye awole ndoɔdozo ne kotia ngyegyeele moo ye anyefuu ebela ne keva kera la. Zɔhane a, enee ɔhyia esesebe ke me nee wo keye moo yekɛhola biala la yekɛbɔ ye nyambɔyia ne anwo bane. Ɔle ye gyima titili ke yekɛva ngyehyelele fɔɔnwo yekɛgua adenle zo yekɛbɔ azɛle ye moo Nyamenle eva ehye ye la anwo bane. Ngyegyeele moo ye subane moo yeda be ali wo ye nyambɔyia ne anwo fa ba la a le azuyile ndoɔdoazo, ye aleɛ eluale moo ye guabele wo aze ebuhenle meke la nee moo bokeboka nwo la

2. Fa dumangilenu ne mo moo wɔhile la kele edendɛmunli kpomgbondee bulu.

MOBŌNU KPUYIA NE MŌ NYELEBĒNLOA

1. Kenga adawu ne na kilehile dumangilenu ne mŌ mŌŌ wŌ nu la.
 - a. dŌŋwo
 - b. ekyi
 - c. kpale
 - d. anyefuu
 - e. mgbane mgbane
 - f. basabasa
 - g. subane
 - h. etane
 - i. ehye
 - j. biala
 - k. fŌŋwo
 - l. ndoŌdoazo
2. Fa dumangilenu ne mŌ mŌŌ wŌhile la kĒle edendĒmunli bulu. Ndonwo bie mŌ a le ehye:
 - a. Ewula ekpoanle boka me *dahuu dahuu* gyima nwo.
 - b. Mgbanyizonle le subane etane.

EXTENDED READING

Adomako, K., Odoom, J. and Sackitey, M. (2023). *Akan kasa nhyehyeeɛ wɔ Asante Twi mu*. Adonai Publications Limited (Topic on verbs, nouns and adjectives)

Amegashie, S.K. (2004). *Evegbe ɲɲlɔ*. Aflao: Victus Printing Services, Market Square

Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)

Joshi, M. (2021). *Nouns in the English Language: Types and examples*. Manik Joshi. (Topic on nouns)

Thakur, D. (1998). *Linguistics simplified: Syntax*. Delhi: Bharati Bhawan. (open word class which are nouns adjectives, verbs and adverbs)

NUNINYƐNE

Saa yefa yekpƆke nee yekpƆkengilenu yeali gyima wƆ edendemunli ehelele nu wƆ Gana anee anee ne mƆ anu a ƆwƆ ke yenya mela bie mƆ. Mela ehye mƆ boa maa ye ngelehele ne mƆ anye da eke na Ɔmaa yeto nrelalee mƆƆ feta la yemaa kengavole ne. Yefa anee mƆƆ yekelƐ la anu mela ne mƆ yedi gyima a Ɔboa Ɔmaa yenya edendemunli mƆƆ ndelebebo wƆ nu la.

YekpƆke

Kolaa na yeaha mela ne mƆ anwo edweke la, maa yehakye mƆƆ yezukoa yeva yekpƆke anwo la. Nea ndonwo ne mƆ mƆƆ wƆ aze eke la. EdwekemgbƆke ne mƆ mƆƆ beha nuhua la biala le yekpƆke.

1. Eyazonlenli ne **so** eya ne eyazonle elobo biala.
2. Ngakula ne mƆ **ko** sukulu Yale biala.
3. Yewuluwlu nwonlomo biala yefa yekpundikpundi ye agbƆke nu.

YekpƆke a le edwekekpƆke anzee edendesinli mƆƆ yefa yeda nyeele, gyinlabelƐ anzee nzidweke ali la. YekpƆke boka edendemunli nu ngilenukpƆke edwekekpƆke titili ne anwo. Yekile a yekpƆke a le ngilenukpƆke nu edwekekpƆke titili ne a.

Mela mƆƆ wƆ yekpƆke gyimalile nwo wƆ edendemunli nu la

Mela mƆƆ yedua zo yefa yekpƆke yedi gyima wƆ edendemunli nu la le ngakyile wƆ Gana anee ko biala anu. WƆ Nzema nu, mela ne mƆ bie ene:

1. YekpƆke ne kile nyeele mƆƆ yevo ne da ye ali wƆ edendemunli nu la.
 - a. Twea ne **kpo** alenke ne anyunlu dahuu.

Eke, yekpƆke **kpo** ne kile mƆƆ yevo ne mƆƆ le ‘Twea ne’ la ye wƆ alenke ne anyunlu la.
 - b. Sukoavoma ne **ka** baseke ko sukulu nwonlomo biala.

YekpƆke ‘ka’ kile yevo ‘Sukoavoma ne’ nyeele mƆƆ beye la.
2. YekpƆke kile gyinlabelƐ mƆƆ yevo ne wƆ nu wƆ edendemunli nu la.

Ndonwo:

Kodwo anye **liele** wƆ sonea ne anzi.

Wɔ eke, yekpɔke ‘liele’ maa yenwu gyinlabelɛ mɔɔ yɛvo ne ‘Kodwo’ hɔle nu wɔ sɔnea ne anzi la.

3. Yekpɔke a le ngilenukpɔke nu edwekɛkpɔke titili ne a. Ndonwo:

a. Kale ne nriandi molozo.

Yekpɔke ‘nriandi’ a le titili wɔ ngilenukpɔke ‘nriandi molozo’ anu a.

b. Sukoavoma ne **ka** baseke kɔ sukulu nwonlomɔ biala.

Wɔ eke noko, yekpɔke ‘ka’ a le titili wɔ ngilenukpɔke ‘ka baseke kɔ sukulu nwonlomɔ biala’ anu a.

4. Mɛke biala mɔɔ yekpɔke bie kedoa dumagya ndinli zo la, yekɛɛ be yɛbɔ nu. Ndonwo

a. **Bɛsa** nzule wɔ bula ne anu.

Wɔ eke, ‘Bɛ’ le dumagya yɛɛ ‘sa’ le yekpɔke, ehye ati a bɛhɛɛ bɛ bɛbɔ nu la.

b. **Yɛdɔle** abɔnkye anoma.

Wɔ eke noko, ‘Yɛ’ le dumagya yɛɛ ‘dɔle’ le yekpɔke.

Gyima 1

Fa ɛ ti anwo edwekɛmgbɔke kilehile edwekpɔke yekpɔke anu. Maa yekpɔke anwo ndonwo bulu.

Gyima 2

Fa ndonwo ne mɔ mɔɔ wɔhɛɛ wɔ (Gyima 1) ne anu la kɛɛhɛɛ ɛdɛndɛmunli ehye mɔ ko biala anwo ndonwo nnu.

- a. ɛdɛndɛmunli sikalɛ
- b. ɛdɛndɛmunli mɔnwo
- c. ɛdɛndɛmunli kpomgbondee

Gyima 3

1. Benlea yekpɔke ne mɔ mɔɔ gua ɔ bo eke la. Bɛva bɛhɛɛ ɛdɛndɛmunli. Saa bɛbahola a bɛbɔ mɔdenle bɛhɛɛ ɛdɛndɛmunli mɔnwo anzɛɛ

kpomgbondee. Ndonwo ne mō amuala wō kēkalahilele yēkpōkē nu-bēbahola bēahakyi bē ōlua yēvo hole mōŋ bēbava bēali gyima la.

- a. tia
- b. soa
- c. kulo
- d. bō
- e. yē
- f. kpali
- g. sukōa
- h. kyi
- i. nwu
- i. die

Akēe bē nee bē gōnwo ēnlea bē ndonwo ne mō ngyehyēlē ne. Asoo bē ndonwo ne nee mēla ne mōŋ bēzukōa wō ēzukōalēdēē ēhye anu la le kō ō? Bēziezie bē nwo kē bēbava mōŋ bēnwu ye la bēado sukōavoma mōŋ ēha la amuala anyunlu.

Gyima 4

- a. Kilehile yēkpōkē ekpunli ngakyile ne mō mōŋ yēzukōa bē dēba la anu.
- b. Maa kō biala anwo ndonwo nnu na fa kō biala abo ndonwo kō kēlē ēdendēmunli.

Wō bē ekpunli ne mō anu bēhile mēla mōŋ wōkē yēsi yēfa yēkpōkē yēdi gyima wō ēdendēmunli nu la anu. Ndonwo:

- a. Saa dumagya ēlēdi yēvo gyima a.
- b. Saa dumagya ēlēdi nyiavo anzēē dievo gyima a.

Yēkpōkēngilenu

Kēkala a yēnlea mēla mōŋ wō kēsi yēfa yēkpōkē yēdi gyima wō ēdendēmunli ēhēlē nu a. Akēe maa yēnlea mēla mōŋ wō kēsi yēkpōkēngilenu di gyima wō ēdendēmunli nu la.

Ēkakyē dēē hole mōŋ yēkpōkēngilenu le la ō?

Yekpɔkɛngilenu a le edwɛkɛkpɔkɛ anzɛɛ ɛdɛndɛsinli mŏo kile yekpɔkɛ anzɛɛ yekpɔkɛngilenu fofolɛ bie anu la. Ōkile ɛleka, mekɛ, deɛmɔti beyɛ nyɛlɛɛ bie la. Yekpɔkɛngilenu ndonwo bie mŏ

mŏo bɛva bɛli gyima wŏ ɛdɛndɛmnuli ɛhye mŏo anu la:

1. Bɛrale **ɛkɛ**.(ɛleka)
2. Yɛdwule **nwonlomŏ dŏne nsuu**.
3. Bŏlobŏlɛ eku ne lile nwŏhoɛ ne **anyɛliɛlɛ nu**.

Yekpɔkɛngilenu mŏo wŏ anwuma ɛdɛndɛmunli ne mŏo anu la a le; **ɛkɛ, nwonlomŏ dŏne nsuu** nee **anyɛliɛlɛ nu**.

Mɛla/gyima

Mɛla mŏo yɛdua zo yɛfa yekpɔkɛngilenu yɛdi gyima wŏ ɛdɛndɛmunli nu la le ngakyile wŏ Gana anɛɛ ko biala anu.

Wŏ Nzema nu, mɛla ne mŏo bie ɛne:

1. Yekpɔkɛngilenu a le yekpɔkɛngilenu ɛdɛndɛsinli nu edwɛkɛkpɔkɛ titili ne a.
Ndonwo:
 - a. Mrenyia ne mŏo dɛndɛlɛ **mgbole kpalɛ**.
 - b. Yɛkile ne rale awiɛlɛɛ **arɛlevilɛ nu**.

Yekpɔkɛngilenu **mgbole kpalɛ** nee **arɛlevilɛ nu** le yekpɔkɛngilenu ɛdɛndɛsinli yɛɛ **mgbole** nee **arɛlevilɛ** le ɛdɛndɛsinli ne mŏo edwɛkɛkpɔkɛ titili ne.

2. Bɛkile yekpɔkɛngilenu fofolɛ nu.

Ndonwo:

- a. Bɛze bŏlo bŏ **kɛlɛma kpalɛ**.
- b. Sukoavoma ne bŏlɛ bɛ nwo mŏdɛnle **kpole somaa**.

Wŏ ɛdɛndɛmunli ne mŏo wŏ anwuma la anu, yekpɔkɛngilenu **kpalɛ** ɛlɛkile **kɛlɛma** anu yɛɛ **somaa** ɛlɛkile yekpɔkɛngilenu **kpole** anu.

Gyima 1

- a. Wŏ bɛ ɛkpunli ne mŏo anu, bɛhile edwɛkɛkpɔkɛ yekpɔkɛngilenu anu na bɛva bɛ nyɛlɛbɛnloɛ ɛdɛɛ ne bɛdo ɛkpunli fofolɛ ɛdɛɛ nwo.
- b. Maa yekpɔkɛngilenu anwo ndonwo bulu.

Gyima 2

Fa ndonwo ne mō mōŋ wōmaa wō (b) la kēlē edendemunli nnu wō edendemunli ehye anu ko biala abo.

- a. sikale
- b. mōnwo
- c. kpomgbondee

Gyima 3

1. Bēnlea yēkpōkēngilenu ne mō mōŋ gua ō bo ēke la. Bēva bēhēlē edendemunli. Saa bēbahola a bēbō mōdenle bēhēlē edendemunli mōnwo anzēē kpomgbondee.

- a. mgbole kpālē
- b. ēnē
- c. ēke
- d. kēlēma kpālē
- e. ndēndē kpālē
- f. ēhyema
- g. alienwo
- h. mekē dōnwo
- i. ndoōdoazo
- i. kēkala

Akēē bē nēē bē gōnwo ēnlea bē ndonwo ne mō ngyehyēlēē nē. Asoo bē ndonwo ne nēē mēla ne mōŋ bēzukoā wō ēzukoalēdēē ehye anu la lē ko ō? Bēziezie bē nwo kē bēbava mōŋ bēnwu yē la bēado sukoavoma mōŋ ēha la amuala anyunlu.

MOBŌNU KPUYIA

1. Kenga adawu ehye boe na kile **yekpake** nee **yekpakengilenu** biala mōō wō nu la.

Befa be gyima ne beara awielee ndende zo la, bevedele be nye benleanle nuhua kpale bokoo, amaa beanwu ke debie biala deda ye adenle nu foonwo. Akee bevale akenezile be nee be gyima ne hole oluake beze ye wienyi ke beye gyima kpale. Kilehilevole ne nyianle abotane nleanle nu boe, na obole o ti aze ohilele ke gyima ne so enyee bokoo. Sukoavoma ne vale dule be nwo ke beye mōō hyia la bewie amgba.

2. Dua mela foonwo ne mōō wozukoa la azo fa **yekpake** nee **yekpakengilenu** ne mōō wonwu be wō adawu ne anu la kelehele edendemunli nnu.

MOBONU KPUYIA NE MO NYELEBENLOA

yekpake--- fa, ara, vedele, nleanle, nwu, deda, vale,hole,ze,ye,nyianle, bole, hilele,sò, dule, ye,wie.

yekpakegilenu--- awielee, ndende, kpale, bokoo, fonwo,akenrazile, wienyi, abotane,boe, soma,amgba

Gyinla adawu ne moo wogenga la azo kele edendemunli ne mo.

EXTENDED READING

1. Owu-Ewie C. (2020). *Mfantse kasa ngyegyee na kasa mbra ho adzesua buukuu ma nsɔwdo skuul esuafo*. Shine Prints Company Limited.
2. Ago, S.A. (1992). *Agoo*. Ghana Publishing Company.
3. Amartey A.A. (1966). *Omanye aba*. Bureau of Ghana Languages.

REFERENCES

1. Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4
2. Lier, E. V. (2024). *The Oxford handbook of word classes (oxford handbook)*. Oxford University Press.
3. Miguel, J., M. G. (2015). *Transitivity and word classes*. <https://doi.org/10.1075/ivitra.9.13gar>
4. Prempeh, A. A. (2021). *Asante Twi Nyansapɔ*. Premesco Publications.
5. Simone, R. & Masini, F. (eds). (2014). *Word classes (Current issues in linguistic theory)*. John Benjamins Publishing Company.

ACKNOWLEDGEMENTS



Ghana Education
Service (GES)

